



Keppniskilmálar fyrir holukeppni GR

1. gr.

GR heldur árlega holukeppni fyrir félagsmenn 19 ára og eldri. Um er að ræða blandaða keppni karla og kvenna. Leikmenn í holukeppninni fá leikförgjöf samkvæmt þeim teigum sem þeir velja að nota á hverjum hring. Í forkeppninni leika karlar af gulum teigum og konur af rauðum teigum.

2. gr.

Keppnin hefst með 18 holu forkeppni sem stendur í nokkra daga, tímalengdin verður auglýst sérstaklega. Forkeppnina má leika á bæði á Korpúlfsstaðavelli og Grafarholtsvelli. Ekki verða teknir frá rástímar í mótinu á www.golf.is Þátttakendur verða því að bóka sína rástíma líkt og aðrir félagsmenn. Mótsgjald er 2.500 kr. sem greiða þarf í golfbúðinni áður en leikur hefst á þeim lykkjum sem spilað er á hverju sinni. Við skráningu þarf að gefa upp netfang og símanúmer til þess að keppendur geti náð sambandi við hvorn annan þegar kemur að holukeppninni. Að leik loknum skila menn svo inn undirrituðu skorkorti með kennitölu og undirskrift frá meðspilara í þar til gerðan kassa sem staðsettur verður í golfbúðinni. Hver keppandi má leika marga hringi í forkeppninni, þá viku sem forkeppnin stendur. Greiða þarf aukalega 2.500 krónur fyrir hvern viðbótarhring í forkeppninni. Engin gjaldtaka er eftir forkeppnina.

3. gr.

Forkeppnin er punktakeppni Stabelford með fullri forgjöf. Ekki er gefin hærri leikförgjöf en 28 bæði fyrir karla og konur. Punktahæsti hringurinn gildir ef þátttakandi kaupir fleiri en einn hring í forkeppninni. Ef fleiri en 128 keppendur skrá sig til leiks, komast 128 punktahæstu keppendurnir áfram í holukeppnina. Séu þátttakendur færri en 128 þá eru 64 keppendur sem komast í holukeppni. (Ef færri þá 32 eða 16). 7. Verði fleiri en einn keppandi jafnir í sæti sem gefur rétt til þátttöku í holukeppni, skal skorið úr með eftirfarandi hætti:

- a. Reiknaðir punktar á seinni 9 holum
- b. Verði enn jafnt er reiknaðir punktar á síðustu 6 holunum
- c. Verði enn jafnt er reiknaðir punktar á síðustu 3 holunum
- d. Verði enn jafnt er reiknaðir punktar á síðustu holunni
- e. Verði enn jafnt skal hlutkesti ráða.

4. gr.

Dregið verður um leikróð milli þeirra sem komast í holukeppnina. Þegar búið er að draga í fyrstu umferð raðast sjálfkrafa í næstu umferðir samkvæmt töflu sem birt verður áður en mótið hefst.

5. gr.

Almennir keppniskilmálar og almennar staðarreglur, sem í gildi eru á leikdegi hverju sinni gilda í keppninni.



6. gr.

Eftir forkeppni verður birt hverjir mætast í útsláttarkeppninni. Gefin verða upp símanúmer og netföng keppenda. Einnig verða gefin upp tímamörk fyrir hverja umferð keppinnar. Keppendur sem mætast í hverjum leik fyrir sig koma sér saman um leikdag og leiktíma. Þeir geta komið sér saman um völl, hvort sem er Grafholtsvöll eða Korpúlfsstaðavöll. Einnig geta þeir komið sér saman um að leika á einhverjum vinavalla GR.

7. gr.

Holukeppnin er leikin með forgjöf sem fer þannig fram að mismunur á leikforgjöf keppenda raðast á 18 holur samkvæmt erfiðleikastuðli forgjafar eins og fram kemur á skorkorti. Keppendur taka leikforgjöf samkvæmt forgjafartöflu. Þó skal engin keppandi fá hærri leikforgjöf en 28. Þetta á við bæði karla og konur.

Dæmi :

1. Leikmaður með 12 í leikforgjöf mætir keppanda með 10 í leikforgjöf í Grafarholti. Mismunur forgjafar er 2 högg sem fyrrnefndi keppandinn fær á holu 5 og holu 15, sem eru númer 1 og 2 í forgjafarmati þess vallar. Sá sem á hærri forgjöfina dregur eitt högg frá skorinu á þessum tveimur holum.
2. Leikmaður með 23 í leikforgjöf mætir keppanda með 3 í leikforgjöf ef leikið er Sjórinn / Áin á Korpúlfsstaðavelli. Forgjafarmunurinn er 20 högg. Hér fær fyrrnefndi keppandinn 1 högg í forgjöf á hverri holu og annað að auki á tveimur erfiðustu holunum, sem hér yrðu sú 8. og 17. Á þessum tveimur holum má keppandi draga 2 högg frá skorinu á hvorri þessara tveggja hola.

8. gr.

Eftir hvern leik skal tilkynna úrslit með tölvupósti holukeppni@grgolf.is

9. gr.

Ef keppendur standa jafnir eftir 18 holur skal leika bráðabana þar til úrslit fást, eina holu í senn. Um leið og annar keppandinn vinnur holu telst leik lokið. Bráðabaninn er leikinn með fullum forgjafarmun þannig að forgjöf fæst á sömu holu og í 18 holu keppninni, ef það kemur til þess að leikin sé hola í bráðabana þar sem annar keppenda á rétt á forgjöf.

10. gr.

Mótsstjóri er Atli Þór Þorvaldsson, sem einnig er dómari. Komu upp vafamál meðan á leik stendur má hafa samband við dómara í síma 894-2811. Mikilvægt er að keppendur þekki vel reglurnar og mun á reglum í holukeppni og höggleik. Þekking á reglunum er á ábyrgð keppenda.

11. gr.

Sigurvegari hlýtur titilinn holukeppnismeistari GR.

12. gr.

Að öðru leyti gilda móta- og keppendareglur GSÍ.